

# IBhayibheli LaBantwana Likulethela

USamuweli,  
Inceku-Mfana  
kaNkulunkulu



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Lyn Doerksen

Itolikwe ngu: Goodwill Sithembiso Gwala

Ikhqiqizwe ngu: Bible for Children

[www.M1914.org](http://www.M1914.org)

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



UHana wayengowesifazane olungile, eshade  
no-Elikhana indoda elungile. Bobabili babekhuleka  
kuNkukunkulu bebonisa umusa nakwabanye. Kodwa


khona okwakushoda  
empilweni kaHana.

Wayefuna ukuba  
nengane. O,

wayeyifuna kanjani  
ingane! Walinda

wakhuleka wathemba  
walinda futhi.

Ayifikanga ingane!





Minyaka yonke, uHana wayeya kokhuleka eterbenekele likaNkulunkulu. Ngomunye unyaka wathembisa uNkulunkulu ukuthi uma engamvumela uba abe nendodana, wayeyomnika umfana ukuba abe yinceku kaNkulunkulu kuze kube phakade.





UmPristi omdala  
u-Eli wabona  
uHana ethandaza.  
Wayecabanga ukuthi  
uHana udakiwe  
ywayini ngoba  
izindebe zakhe  
zazinyakaza  
kodwa  
kungaphumi  
umsindo. U-Eli  
wamthethisa  
uHana!







Kodwa uHana  
watshela u-Eli  
ngomthandazo  
wakhe womntwana  
nesethembiso sakhe  
kuNkulunkulu. "Hamba  
ngokuthula" kusho u-Eli.  
"Futhi uNkulunkulu  
ka-Israyeli makakunike  
lokho okucelile kuye".  
Amazwi ka-Eli anikeza  
uHana ithemba.



Ngokushesha injabulo enkulu yagcwala  
inhliziyo kaHana. "UJehova wamkhumbula" futhi  
waphendula umthandazo wakhe. Yena no-Elkana  
Babanomfanyana okwakuthiwa nguSamuweli (Okusho  
ukuthi "Ozwiwe uNkulunkulu"). Kodwa ngabe uHana  
wayezomkhumbula uJehova nesivumelwane asenza  
kuye?





UHana wayeka ukuya  
etabernakele nyaka  
ngamunye. Hawu, bantu!  
Ingabe weyeseephulile  
isithembiso sakhe  
kuNkulunkulu? Cha  
uHana wayelinde  
kwaze kwaba ilapho  
uSamuweli wayesemdala  
ngokwanele ukuba ahlale  
etabernakele futhi  
asize u-Eli enkonzweni  
kaNkulunkulu. Khona-ke  
wamyisa eterbanekele.





UNkulunkulu wakwazisa ukuthembeka okukhulu  
kukaHana.



Ngemva  
kaSamuweli  
uNkulunkulu  
wamnika amadodana  
amathathu  
namadodakazi amabili.  
Minyaka yonke, uHana  
wayeya etabernakele  
ekhulekele  
uNkulunkulu - futhi  
alethe ingubo entsha  
ayithungele  
uSamuweli.





USamuweli kwangungesiyena yedwa  
umsizi ka-Eli. Amadodana ka-Eli,  
oHofini noFinehasi, babe sebenza  
khona. Kodwa bahazisa uNkulunkulu  
ngokwenza izinto ezimbi, futhi  
abakaze beguquke  
ngisho noma uyise  
u-Eli ebancenga.  
U-Eli kwakufanele  
abaxoshe  
etabernakele  
Kodwa akazange.





Ngobunye ubusuku,  
uSamuweli wezwa  
izwi limbiza. Umfana  
wacabanga ukuthi  
u-Eli owayembiza.  
“Ngilapha” esho.  
“Angikubizanga”  
kuphendula u-Eli.  
Lokhu kwenzeka  
izikhathi ezintathu.  
Khona-ke u-Eli wazi  
ukuthi uNkulunkulu  
wayesefuna  
ukukhuluma  
noSamuweli.






U-Eli watshela uSamuweli, "Uma ekubiza, Kumele uthi, 'Khuluma Jehova, ngoba inceku yakho ilalele.'" Futhi uNkulunkulu wambiza uSamuweli futhi, wanika uSamuweli umyalezo obaluleke kakhulu.




Ekuseni u-Eli wabiza uSamuweli. "Lithini izwi lika Jehova alisho kuwe na?" embuza. USamuweli osemncane wamutshela konke. Kwakungumyalezo omubi - uNkulunkulu wayezobhubhisa umndeneni ka-Eli ngoba uHofina noFinihasi babekhohlakele kakhulu.




Isexhwayiso sikaNkulunkulu sagcwaliseka. Phakathi nempi namaFilisti, amadodana ka-Eli amabili amabi ahola umphongolo kaNkulunkulu phambi kwebutho lama-Israyeli. Isitha sawuthatha umphongolo sabulala uHofini noFinehasi kanye namaningi ama-Israyeli. Lapho u-Eli ekuzwa lokho, wawa esihlalweni, waphuka intamo, futhi wafa ngaleso sikhathi.



Umphongolo kaNkulunkulu waletha izinkathazo kuMafilisti. Bawubeka ethempelini likaDagoni, uNkulunkulu wabo wamanga. Ekuseni, isithixo uDagoni sasiwe ngobuso. Amafilisti amphakamisa uDagoni - kodwa ekuseni obulandelayo wayesephansi futhi. Kulokhu uDagoni waphuka waba izicucu.





Ukugula nokufa kwasakazeka phakathi kwamaFilisti. Ukuze abone ukuthi uNkulunkulu uyawajezisa, athi amaFilisti izinkomo ezimbili azidonse inqola kanye nomuphongolo. Kodwa bagcine amathole ezinkomo. "Uma izinkomo zikhuphukela kwa-Israyeli zishiya amathole, sizokwazi uNkulunkulu ukwenzile," besho. Zakhuphuka izinkomo!







Khona-ke uSamuweli,  
owayesekhulile manje,  
wakhuluma kubo bonke  
abantu bakwa-Israyeli.  
"Uma ubuyela kuJehova  
ngayo yonke inhliziyo  
yakho ... uyakukhulula  
esandleni samaFilisti."  
Abantu bamulalela  
umprofethi kaNkulunkulu  
othembekile. Isandla  
sikaNkulunkula saba  
phezu kwamaFilisti ngazo  
zonke izinsuku zika  
Samuweli.



USamuweli, Inceku-Mfana kaNkulunkulu

Indaba evela kwiZwi laNkulunkulu,  
iBhayibheli,

Itholakala

1 Samuweli 1-7

"Ukwambulwa kwaMazwi Akho kuyakhanyisa."  
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

